



Broj: 02-04-3063/22-AP-3
Datum: 13.12.2022. godine

GRADSKO VIJEĆE ZAVIDOVIĆI
n/r PREDSEDAVAJUĆOJ GRADSKOG VIJEĆA
mr. iur. Erna Merdić Smailhodžić

PREDMET: Odgovori na vijećnička pitanja sa 7. sjednice Gradskog
vijeća Zavidovići održane 30.11.2022. godine, dostavljaju se

Povodom vijećničkih pitanja postavljenih na 7. sjednice Gradskog vijeća Zavidovići održanoj 30.11.2022. godine, dostavljamo odgovore na iste kako slijedi:

1. VIJEĆNIČKA PITANJA VIJEĆNIKA HARISA HODŽIĆA

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju kada građani naseljenog mjesta Podubravlje mogu očekivati nastavak sanacije lokalne ceste od podvožnjaka prema općini Žepče?

Obrazloženje:

Mješatni Podubravlja traže informaciju kada se može očekivati nastavak radova na dionici lokalnog puta prema Žepču obzirom da je infrastruktura ove dionice lokalne ceste od podvožnjaka u katastrofalnom stanju i nije uslovna za normalno odvijanje saobraćaja, naročito ako se uzme u obzir da je u pitanju lokalni put u službi alternativnog putnog pravca u slučajevima prekida saobraćaja i radova na magistralnom putu M17.1 Žepče-Zavidovići.

Direktno pitanje:

Tražim od nadležne gradske službe da nam dostavi informaciju kada kada se planiraju radovi na sanaciji podvožnjaka u Podubravlju i lokalne ceste od podvožnjaka prema Viništu, te kada mještani Podubravlja mogu očekivati uvođenje izvođača radova na sanaciji ove dionice puta?

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-236/22 od 15.12.2022. godine): Nužna sanacija lokalne ceste Zavidovići - Vinište (od podvožnjaka u Podubravlju do granice sa općinom Žepče) će se vršiti u skladu sa budžetskim mogućnostima u sklopu redovnog održavanja lokalnih cesta u toku 2023. godine, dok za sveobuhvatnu sanaciju i rekonstrukciju trenutno nema dovoljno raspoloživih sredstava jer ista iziskuje geomehanička ispitivanja i izradu elaborata sanacije s obzirom da na trasi ima veliki broj klizišta i ista se nalazi u pružnom i vodnom pojasu.

2. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Tražim od nadležne službe da nam dostavi kopije ugovor o dodjeli javnih parkirališta na korištenje radi pružanje usluga parkiranja uz naplatu za posljednjih 10 godina?

Direktno pitanje:

Tražim od nadležne službe da nam dostavi kopije ugovor o dodjeli javnih parkirališta na korištenje radi pružanje usluga parkiranja uz naplatu za posljednjih 10 godina za 2012, 2013, 2014, 2015, 2016, 2017, 2018, 2019, 2020, 2021 i 2022 godinu sklopljenih između Općine/Grada Zavidovići i trećeg lica.

Uz odgovor dostaviti i kopiju ugovora od 21.04.2020. godine o dodjeli gore navedenih parkirališta na korištenje radi pružanja usluge parkiranja uz naplatu zaključen sa pravnim licem Progres-N d.o.o. Zavidovići na period od 3 godine.

Uz odgovor na ovo pitanje potrebno je dostaviti informaciju koja pravna lica su u posljednjih 20 godina upravljala parking prostorom (prostor između salona namještaja i ulice „Mehmed-paše Sokolovića“ i prostor s desne strane ulice „Alije Izetbegovića“).

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-236/22 od 15.12.2022. godine): U prilogu odgovora dostavljamo spisak ugovora o dodjeli javnih parkirališta na korištenje radi pružanja usluga parkiranja uz naplatu, koji su zaključeni počev od 2017. godine do danas kako slijedi:

- Ugovor broj: 02-23-4016/15-1 od 24.03.2017. godine, zaključen između Općine Zavidovići i Privrednog društva „Progres-N“ d.o.o. Zavidovići, koji se odnosi na korištenje javnog parkirališta u Zavidovićima koji se nalazi s desnu stranu kolovoza ulice „Alije Izetbegovića“, od raskrsnice sa ulicom „Safet-bega Bašagića“ do raskrsnice s ulicom „Gazi Husref-bega“ (parking mjesta br. 1-18) za period od 3 (tri) godine sa ugovorenom naknadom od 1.500,00 KM.
- Ugovor broj: 02-23-4016/15-2 od 24.03.2017. godine, zaključen između Općine Zavidovići i Privrednog društva „Progres-N“ d.o.o. Zavidovići, koji se odnosi na korištenje javnog parkirališta u Zavidovićima koji se nalazi između nekadašnjeg salona

namještaja i ulice „Mehmed-paše Sokolovića“, do realizacije Regulacionog plana „Centar 1“, navedeni prostor obuhvata dva plato parkirališta (parking mjesta br. 1-68) za period od 3 (tri) godine sa ugovorenom naknadom od 3.000,00 KM.

- Ugovor broj: 02-23-1012/20-8 od 21.04.2020. godine, zaključen između Općine Zavidovići i Privrednog društva „Progres-N“ d.o.o. Zavidovići, koji se odnosi na korištenje javnog parkirališta u Zavidovićima koji se nalazi s desnu stranu kolovoza ulice „Alije Izetbegovića“, od raskrsnice sa ulicom „Safet-bega Bašagića“ do raskrsnice s ulicom „Gazi Husref-bega“ (parking mjesta br. 1-18) za period od 3 (tri) godine sa ugovorenom naknadom od 1.500,00 KM.
- Ugovor broj: 02-23-1012/20-9 od 21.04.2020.. godine, zaključen između Općine Zavidovići i Privrednog društva „Progres-N“ d.o.o. Zavidovići, koji se odnosi na korištenje javnog parkirališta u Zavidovićima koji se nalazi između nekadašnjeg salona namještaja i ulice „Mehmed-paše Sokolovića“, do realizacije Regulacionog plana „Centar 1“, navedeni prostor obuhvata dva plato parkirališta (parking mjesta br. 1-68) za period od 3 (tri) godine sa ugovorenom naknadom od 3.000,00 KM,

Informaciju koja se tiče upravljanja parking prostorom (prostor između salona namještaja i ulice „Mehmed-paše Sokolovića“ i prostor s desne strane ulice „Alije Izetbegovića“) u posljednjih 20 godina nismo u mogućnosti dostaviti, obzirom da navedene podatke nismo bili u mogućnosti pribaviti do održavanja 8. sjednice Gradskog vijeća Zavidovići, te ćemo nastojati da cjelovit odgovor dostavimo do održavanja 9. sjednice Gradskog vijeća Zavidovići. Naime, pribavljanje navedenih podataka iziskuje prikupljanje informacija kako iz evidencija vođenih u Gradskoj upravi Zavidovići, tako i od strane JKP „Radnik“ d.o.o Zavidovići, Arhiva u Travniku, te državnih službenika i namještenika koji su ranije obavljali poslove, koji se odnose na upravljanje navedenim parking prostorom.

2. VIJEĆNIČKO PITANJE VIJEĆNIKA FERIDA KAKNJAŠEVIĆA

Vijećnik Ferid Kaknjašević: Na osnovu člana 8. te člana 87. Poslovnika o radu Općinskog vijeća Zavidovići upućujem vijećničko pitanje Službi za upravu privrede, lokalni razvoj, infrastrukturu i međunarodnu saradnju kaoje glasi:

- Kada će biti završena rasvjeta u mjestu Misaradža MZ Vozuća

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-236/22 od 15.12.2022. godine): Izgradnja kraka javne rasvjete u mjestu Misarada, kao dijela izgrađene javne rasvjete Vozuća planirana je u prvom kvartalu 2023. godine, a nakon što se u saradnji sa Mjesnom zajednicom „Vozuća“ izvrši postavljanje nedostajućih AB stubova.

3. VIJEĆNIČKO PITANJE VIJEĆNIKA HAKIJE OSMIĆA

Vijećnik Hakija Osmić: Uvaženo Predsjedništvo, gospodine Gradonačelnice, kolege i kolegice vijećnici i vijećnice, mediji i gosti, ja ću postaviti jedno vijećničko pitanje, a odnosi se na ulicu „Roncadelle“, to je od Gradskog mosta preko rijeke Bosne ispod podvoznjaka prema teniskom igralištu. U zadnje vrijeme, već određeniperiodu ne radi javna rasvjeta i zaista je neprijatno tom ulicom proći i vozilom autom u noćnim satima, večernjim i noćnim satima, a mogu misliti da je jezivo proći ko tu prolazi pješice i i kreće se u večernjim i noćnim satima.

Već neko vrijeme ne radi ta javna rasvjeta i evo, ja postavljam pitanje šta je u pitanju, a ista ne radi i evo da se poduzmu mjere da ista bude što prije u funkciji. Hvala.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-23/22-AP-247 od 13.12.2022. godine): Na sam dan održavanja sjednice Gradskog vijeća već uveliko su izvođeni radovi na otklanjanju kvara na javnoj rasvjeti u ulicama „Roncadelle“, „Sarajevska“, „Stjepana Radića“ i „8. marta“.

Do kvara na javnoj rasvjeti u pomenutim ulicama došlo je nakon obilnih padavina koje su prouzročile oštećenja dovodnih kablova i pad napona.

Nakon dva dana intenzivnih radova na otklanjanju nastalih oštećenja javna rasvjeta je vraćena u funkciju.

4. VIJEĆNIČKA PITANJA VIJEĆNIKA IGORA ŠIMŠIĆA

1. Vijećnik Igor Šimšić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče informisanja o stanju realizacije aktivnosti nadležnih po pitanju rješavanja „spornih“ zemljišnih katastarskih parcela, objekata i prava vlasništva nad njima, na području Grada Zavidovići?

Obrazloženje vijećničkog pitanja:

Pitanje se već četvrti put upućuje, bez konkretnih odgovora. Naslovljeno je već i ovaj put na Gradsko pravobranilaštvo i Službu za upravu geodetskih, imovinsko-pravnih poslova i urbanizma.

Naglašavao sam, kao i moje kolege iz kluba vijećnika SDP.a, o potrebi hitnog rješavanja ove problematike. Imali smo na sjednicama OV i GV pri obrađivanju pojedinih tačaka dnevnog reda, mogućnosti uvida u kopije katastarskih planova sa katastarskim podacima, vidjeti zemljišne parcele, prava vlasništva na istim. Uvjerili se u mnoge sporne zemljišne parcele, na kojima su izgrađeni iznimno značajni infrastrukturni objekti za građane i našu lokalnu sredinu. Parcele i objekti koji nisu vlasništvo grada. reagovali smo na vrijeme, svake godine zahtijevamo da nam se dostavi tabelarni prikaz spornih zemljišnih parcela i objekata na njima, sa opisima sa, sa stanjem po pitanju vlasništva, obrazloženjima šta se poduzima za rješavanje problematike. Bez uspjeha. nikada nismo dobili kvalitetnu informaciju. Nego zauzvrat se svi iznenadimo kada spoznamo da nam se prodaju dijelovi ulica, spomenici, dvorana, kulturno-historijska baština,... I iščekujemo, šta je sljedeće?! I onda svi glumimo, utrkujemo se, tobože, mi smo spasioci i heroji, zaustavili nekoga ili nešto.

S toga se obraćam i ovaj put sada sa zahtjevom za dostavom tabelarnog prikaza spornih zemljišnih parcela i objekata na njima, sa opisima, sa stanjem po pitanju vlasništva, obrazloženjima šta se poduzima za rješavanje problematike.

S poštovanjem,

Odgovor na vijećničko pitanje (Odgovor je sačinjen na osnovu akta Gradskog pravobranilaštva Zavidovići, broj: R-55/22 od 21.12.2022. godine): Postavljeno vijećničko pitanje je uopšteno i u istom nisu navedene sporne zemljišne parcele, pravo vlasništva nad istim i drugi potrebni podaci za Pravobranilaštvo, kako bi isto moglo preduzeti Zakonom propisane mjere.

Imajući u vidu da se radi o iznimno značajnoj problematici koja zahtijeva i što brže postupanje po istoj ovo Pravobranilaštvo u saradnji sa Službom za upravu geodetskih, imovinskopravnih poslova i urbanizam preduzima aktivnosti radi dostavljanja podataka kojima navedena služba raspolaže (vezanih za nekretnine), a koji bi Pravobranilaštvu koristili za preduzimanje pravnih radnji propisanih Zakonom u cilju zaštite imovine vlasništvo Grada Zavidovići.

Napominjemo Vam da će navedena problematika biti posebno obrađena i elaborirana u godišnjem izvještaju o radu Gradskog Pravobranilaštva.

2. Vijećnik Igor Šimšić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče potrebe informisanja o statusu infrastrukturnog projekta Izgradnje mosta u Hadžićima preko rijeke Krivaje?

Obrazloženje vijećničkog pitanja:

Na zahtjev građana nadležnim organima Gradske uprave postavljam vijećničko pitanje, uz zahtjev za dostavljanjem jasnih, tačnih i konkretnih odgovora koji će nas gradske vijećnike i građane naše lokalne zajednice informisati o aktivnostima koje se poduzimaju na infrastrukturnom projektu, Izgradnji mosta u Hadžićima preko rijeke Krivaje.

Preciznije, da li se poduzimaju bilo kakve aktivnosti na realizaciji ovog projekta ili ne, ako da u kojoj su fazi aktivnosti, ako ne zašto i koji su razlozi za nedjelovanjem, da li postoji eventualni problem ili prepreke, da li postoje obezbijeđen cjelokupni iznos ili dio namjenskih sredstava i u kolikom iznosnom dijelu, i kada su terminološki planirani konkretni početci i završetci radova?

Pitanje se upućuje Gradonačelniku i nadležnoj/nadležnim gradskim službama.
Odgovor na pitanje pored usmenog, dostaviti i u pisanoj formi.

S poštovanjem,

Odgovor na vijećničko pitanje sa 6. sjednice Gradskog vijeća (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): Grad Zavidovići je proveo postupak javne nabavke za izradu Glavnog projekta i vodne studije za most u Hadžićima, te je dana 06.09.2022. godine potpisan ugovor sa projektantskom kućom PPG d.o.o. Sarajevo. Izrada projektno-tehničke dokumentacije je u toku.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)